



## **ATASSUT INATSISARTUNI**

**ATASSUT**

**UPA2015/133**

**Siverth K. Heilmann**

**29.04.2015.**

**Aalisarnerup nutarterniarneqarnera qanoq naammassiniarneqarnersoq pillugu**

**apeqquteqaat aallaavigalugu oqallisissiaq.**

(Inatsisartunut ilaasortaq Ane Hansen, Inuit Ataqatigiit)

Siullermik inatsisartuni ilaasortaq Ane Hansen Inuit Ataqatigiit qutsavigissavarput, aalisarnerup nutarterniarneqarnera qanoq naammassiniarneqarsoq pillugu apeqquteqaat aallaavigalugu oqallisissiaqarneranut.

Siumut Atassut-illu qinigaaffik 1995-miit aallartinneraniit suleqatigiilluarnikkut, inatsisartuni kattuffinniik il.il. aalisarnermut inatsit 1996-imeersoq tamakkiisumik akuersissutigineqarpoq. ATASSUT-miit uppernarseqqipparput, suliamut attuumassuteqartumut misilittagaqarneq inatsisartunilu suleqatigiissinnaaneq, isummanillu naapititsiniallaqqissuseq pigigaanni, inatsisiortutut sullissineq pitsaannerusoq anguneqarsinnaasoq.

Ukiorpassuarni pinngortitap allanngorartuarneratigut pisuussutit uumassusilli imaani nunamilu takkusimaartarput tammakartarlutillu taamaattumik amma nassuerutigisariaqarparput inatsisiliornerinnakkut pinngortitarsuaq aquassinnaanngivissoratsigu. Aalisakkat piniakkallu nerisareqatigiittarnerat ataqatigiissaartuarneqarnissaa paaseqatigiiffiusumillu atorluaasarnissaq suliassaavoq pingaarutilerujussuaq.

Apeqquetaat aallaavigalugu oqallisissiaqartoq ATASSUT-miit isumaqatigilluinnarparput oqarmat, inatsisartuni ilaasortat arlallit qangaaniilli nutarterinissamik siunertaqarlutik siunnersuuteqartartut, kiisalu nalunaarusiat ikigisassaanngitsut saqqummiunneqartartut. Ilisimaneqartutuut Naalakkersuisut pisussaaffigisarmatigit inatsisisstatut siunnersuutit inatsisartunut saqqummiutissallugit, amerlanerussuteqarnikkullu aalajanginneq malinneqartussaasarluni.



## ATASSUT INATSISARTUNI

Ukiuni arlaqalersuni aalisarnermi inatsissap naammassillugu inaarsarneqarnissaa inatsisartuni tamattaalluta kissaatigisarparput. Maanaannarli qinersisoqarnissaanik suaaruteqartoqartneratigut, ajoraluartumik aalisartunut tunisassiortunullu eqquisarpugut, taamaattumik ATASSUT-miit neriuutigeqaarput tamatumuuna ukiamut inatsisartuni inatsisissaq naammassiumaarippus.

Pissusissamisoorpoq 2011-imi Naalakkersuisuusimasut inatsisartunilu amerlanerussuteqartunit tunuliaqtsiilluni alloriarnissanullu tulliuttunut apeqqutinik saqqummiussaqartoqarsimanera. Ukiulli tallimat qaangitilereerput taamaattumik sukumiisumik inaarutaasumillu isummerfigisinnaanngilagut. Imaanngilaq isummersorfigerusunnginnatsigit oqallisissiaqartulli tikkuagai ilaagitut taakkorpiaapput, oqaluttarfik manna atorlugu isummersorfigisarsimasagut.

Nalunaarusiat assigiinngitsut inassuteqaatillu isumaqatiginartut aammali ilaqtartarput siusinnerusukkut partitut nalerassatullu ATASSUT-miit inatsisartunut tikkuartarsimasagut malinneqartalarluarpata, nunatta aningaasarsiorneranut suliffissaqartitsiniarnikkullu siuariataasinnaanerigaluartut.

Aalisarnerup aningaasarsiutiginerunissaanut nunamilu suliffissaqartitsinissat eqqarsaatigalugu ornitarput qaamavoq. Taamaattumik pingaarutilerujussuuvoq pisuussutitta uumassusillit kingumut takkuukkaluttuinnarneri, ukiorpassuarni iluaqutiginissaasa aalisarnikkut tunisassiornikkullu naleqqussaalluta inatsisiliornissarput.

Pinngortitap allanngorarnera pisuussuterpassuarnillu nassaqartarnera iluaqutigilluartariaqarparput aalisakkat tammakartarnerat aningaasarsiornikkullu equinerlorujussuartarnera nalaattarsimavagut takussutissaqarluarpullumi.

ATASSUT-miit piujuannartitsinissamik pingaartitsinerput attapparput kisiannili aammaarluta uumasunik ilisimatuut (biolog-it) aalisartut politikkerillu pisuussutinik nalilersuinermi paaseqatigiinnerunissamik anguniarneqarnerusariaqartoq ATASSUT-miit kaammattuivugut.

Aalisarnermik inatsisiliorneq kisimi naammanngilaq, qulaani oqariartutigisagut aallaavigalugut soorunami illoqarfinni nunaqarfinnilu tunisassiorfiit naleqqussarnissaat nutaaliornissanut aammalu



## **ATASSUT INATSISARTUNI**

---

ilaatigut tunitsiviit puttasut pilersinnejqarsinnaanerinut politikkikkut sulinermi  
avaqqunnejqarsinnaanngilaq aqqutissiuunnejqarnissaannullu pisarnitsitut ATASSUT-miit  
peqataassaagut. Aalisagartatsinnik avammut tunisassiornerup naleqalersitsisinnaanermullu  
massakkornit pitsangoriartitsisinnaanerput namminersortullu inerisaarusuttut politikkikkut  
akimmiffissalersornagit aqqutissiuunnejqartariaqarput.

Aatsitassarsiornaq suliffissuarnilluunniit pilersitserusunnermi aningaasarpassuit atorusullugit  
nunatsinni pilersitserusunnerigaluit politikkikkut aalajangernaveersaarluta  
assertuuterusaaginnarsinnaanngilagut. Nunarput aningaasameerpoq suliffissaaleqiffoqalunilu,  
politikkerit innuttaasullu pilersikkumallugit aningaasarpassuarnik nalilinnik kissaaterpassuaqarput,  
nunarpullu namminiiliivinnissamut angernikuusoq, siunissami kingulissagullu eqqarsaatigalugit  
politikkimi ataatsimoorfiunerulerteriaqalerpoq.

Taakkuupput apeqquteqaat aallaavigalugu ATASSUT-miit oqaatigiumasagut.